

**Bosna i Hercegovina
Federacija Bosne i Hercegovine
Tuzlanski kanton
Grad Tuzla**



**Služba za kulturu, sport, mlade i
socijalnu zaštitu**

Broj: 17/11-A-9455-2021
Tuzla, 05.07.2021. godine

Na osnovu člana 5. Pravilnika o kriterijima i postupku raspodjele sredstava za finansiranje aktivnosti pojedinaca iz oblasti kulture („Službeni glasnik Grada Tuzla“, broj: 5/21) i Programa utroška sredstava iz Budžeta Grada Tuzla za 2021. godinu sa pozicije „Ostali grantovi pojedincima – kultura, broj: 17-391/21 od 29.6.2021. godine, Služba za kulturu, sport, mlade i socijalnu zaštitu Grada Tuzla, dana 05.07.2021. godine, objavljuje:

**JAVNI POZIV
za finansiranje aktivnosti pojedinaca iz oblasti kulture**

I - Predmet javnog poziva

Predmet javnog poziva je dodjela sredstava iz Budžeta Grada Tuzla za 2021. godinu sa pozicije „Ostali grantovi pojedincima – kultura“ u iznosu od 10.000,00 KM. Sredstva se dodjeljuju pojedincima u svrhu finansiranja realizacije aktivnosti iz oblasti kulture u sljedećim prioritetnim oblastima:

- likovne i muzejsko-galerijske djelatnosti,
- muzičke, muzičko-scenske i plesne djelatnosti,
- književne i izdavačke djelatnosti,
- pozorišne, filmske i audio-vizuelne djelatnosti,
- djelatnosti usmjerene na očuvanje kulturno-historijskog naslijeđa.

Iz odobrenih budžetskih sredstva aplikanti mogu finansirati isključivo troškove neophodne za realizaciju predložene aktivnosti, nastale u tekućoj godini a za koje mogu dostaviti dokaze o namjenskom utrošku sredstava.

II - Pravo učešća

Pravo na dodjelu sredstava po ovom Javnom pozivu mogu ostvariti pojedinci sa područja grada Tuzle koji realizuju aktivnosti u oblasti kulture a koji ispunjavaju sljedeće opće uslove:

- a) da su državljani Bosne i Hercegovine, sa prebivalištem na području grada Tuzle,
- b) da ne obavljaju aktivnosti u ime političkih partija,
- c) da nisu članovi upravljačke strukture neprofitnih organizacija,
- d) da svoje aktivnosti realizuju na području grada Tuzle.

Jedan aplikant može ostvariti pravo na dodjelu sredstava samo po jednoj aplikaciji u toku jedne godine.

III - Prijavna dokumentacija

Prijava na Javni poziv podnosi se na propisanom prijavnom obrascu koji je objavljen u prilogu ovog Javnog poziva na zvaničnoj internet stranici Grada Tuzle (grad.tuzla.ba).

Prilikom apliciranja na javni poziv za finansiranje aktivnosti aplikanti su obavezni dostaviti sljedeće:

1. Popunjen prijavni obrazac sa sljedećim sadržajima:
 - a) naziv i opis aktivnosti,
 - b) značaj aktivnosti za lokalnu zajednicu,
 - c) biografija sa opštim podacima i obaveznim podacima o iskustvu iz predviđene oblasti iz člana 3. Pravilnika.
2. Pregled planiranih troškova za realizaciju aktivnosti na propisanom obrascu za budžet potpisanom od strane aplikanta (pregled budžeta aktivnosti sa specifikacijom troškova i potrebnih sredstava)
3. Fotokopija lične karte ili uvjerenja o državljanstvu,

4. Dokaz o prebivalištu - PBA 3 obrazac (fotokopija),
5. Ovjerena izjava da aplikant nije član upravljačke strukture ni jedne neprofitne organizacije,
6. Zvaničan dokument banke o otvaranju transakcijskog računa aplikanta (fotokopija).

Nepotpuna dokumentacija i dokumentacija dostavljena izvan predviđenog roka neće se uzeti u razmatranje. Neće se uzeti u razmatranje ni prijave aplikantata:

- a) koji nisu izvršili svoje obaveze po ranije doznačenim (odobrenim) finansijskim sredstvima Grada Tuzle,
- b) čije su aktivnosti usmjerene na promociju političkih stranaka, rasizma, fašizma i kršenja zakonom zagarantovanih ljudskih prava i sloboda,
- c) čije aktivnosti nisu u skladu sa prioritetnim oblastima iz tačke I Javnog poziva.

Prijave za aktivnosti koje su već finansirane u toku iste budžetske godine, kao ni ponovljene prijave za aktivnosti koje su već ocijenjene sa 20 i manje bodova neće biti uzete u razmatranje.

IV - Osnovni kriteriji odabira

Osnovni kriteriji odabira određeni su Pravilnikom o kriterijima i postupku raspodjele sredstava za finansiranje aktivnosti pojedinaca iz oblasti kulture („Službeni glasnik Grada Tuzla“, broj: 5/21).

V - Mjesto i rok dostave prijave na javni poziv

Prijave na Javni poziv sa pratećom dokumentacijom aplikanti dostavljaju u zatvorenoj koverti preporučenom poštom ili predaju lično u Centar za pružanje usluga građanima (šalter sala) u zgradi Gradske uprave na adresu:

GRAD TUZLA
Služba za kulturu, sport, mlade i socijalnu zaštitu
Ulica ZAVNOBIH-a broj 11
75000 Tuzla
„JAVNI POZIV
za finansiranje aktivnosti pojedinaca iz oblasti kulture“
- Ne otvarati“

Javni poziv je otvoren do utroška finansijskih sredstava predviđenih u Budžetu Grada Tuzla za 2021. godinu, sa pozicije „Ostali grantovi pojedincima – kultura“.

VI - Način objavljivanja rezultata

Sa aplikantima koji zadovolje uslove propisane Javnim pozivom nadležna Služba zaključit će ugovor kojim će se regulisati međusobna prava i obaveze u pogledu dodjele i načina korištenja sredstava na ime finansiranja predložene aktivnosti. Aplikanti koji ne ispunjavaju kriterije pismeno će se obavijestiti o razlozima zbog kojih aktivnost nije finansirana iz Budžeta Grada Tuzle.

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle, putem telefona: 035 307-327, 307-317 i 307-415, te slanjem pitanja na e-mail adresu: asja@tuzla.ba, sa naznakom „Za Javni poziv“.

NAPOMENA: Prilikom planiranja aktivnosti aplikanti su obavezni uzeti u obzir mjere i preporuke nadležnih institucija izdate u cilju zaštite od širenja koronavirusa (COVID-19) i odgovorni su za primjenu mjera i preporuka koje budu na snazi u vrijeme realizacije aktivnosti, ukoliko ista bude odobrena.